



Reglas dal giu

Tge che ti dovras

Per quest giu pos ti duvrrar las figuras d'in giu che ti possedas gia, per exempel «Tgi che va plaun, va saun». Guarda che mintga giugader haja in'otra colur. En pli dovras ti anc in dat.

Reglas dal giu

Uschepert che ti has in da sis, pos ti cumenzar a giugar. Ti tschentas tia figura sin l'emprim quadret. Lura bittas ti il dat ed avanzas tenor il dumber da puncts che ti has retschavi. Las glischs cotschnas en ils quadrets fan attent tai sin in privel u ina malprecauziun. Arrivas ti sin in tal quadret, stos ti ir enavos il dumber da quadrets inditgads en las explicaziuns. La situaziun illustrada en in da quels quadrets po mintgant esser uschè privlusa, che tia vita è periclitada! En quest cas stos ti returnar sin il quadret da partenza. Las glischs verdas percunter inditgeschan in cumportament correct. Cuntanschas ti in quadret cun glisch verda, astgas ti sursigliar il dumber da quadrets inditgà en las explicaziuns. Las glischs melnas d'in quadret t'averteschan d'in privel pussaivel, ellas n'han naginas consequenzas per tai. Ils signals da traffic che ti scuntras sin tes viadi n'influenzeschan betg il giu. Ma dumonda tuttina tes geniturs da ta declerar lur significaziun.

Explicaziuns

Quadret

- 5** Il mattet charrescha sin il passape e s'avischina a la via cun gronda sveltezza e faschond gests. Per fortuna po l'automobilist anc franar a temp.
Dus quadrets enavos.
- 13** Ti chaminas correctamain sin la vart dadens dal passape dond il maun a tia mamma.
Trais quadrets enavant.
- 17** Igl è lubì da charrar sin il passape cun in velo a trais rodas – dentant betg uschia!
Ti pericliteschas ils peduns.
Dus quadrets enavos.
- 18** Da quellas sviadas giu dal passape sin via pon avoir consequenzas tragicas.
Returna a la partenza.
- 22** Giugar sin il passape po esser privlus. Il segund giugader e tut ils suandants ch'arriivan sin quest quadret ston ir dus quadrets enavos.
- 23** Na siglia mai tranter ils autos parcads sin via! Ti mettas tia vita en privel, perquai che ti na pos survesair la via e na pos betg vegnir vesì.
Returna a la partenza.
- 27** Bravo! Ballape giog'ins be sin la piazza da ballape.
Avanza sin il quadret 36.
- 28** Dar balla sin la piazza da giugar n'è betg privlus, na gioga dentant mai sin via!

Quadret

- 29** Ti ristgas la vita da curren suenter la balla!
Returna a la partenza.
- 35** Sche ti conuschas las reglas da traffic, sas ti er evitar ils privels.
Ti dastgas avanzar per quatter quadrets.
- 38** Ils signals da glisch reglan il traffic. Ti als stos respectar en mintga cas.
Returna al quadret 24.
- 42** Ti spetgas a l'ur da la via. Fitg bun!
Avanza per dus quadrets.
- 43** Bravo! Avant che traversar la via ta fermas ti ed observas il traffic attentivamain.
Otg quadrets enavant.
- 47** Attenziun! Ti ristgas in privel enorm da curren sur la via senza guardar.
Returna al quadret da partenza.
- 55** Fitg prudent! Ti stauschas tes velo per traversar la via.
Sis quadrets enavant.
- 58** Ti has traversà in stop senza ta fermar ed observar il traffic. Quai è fitg privlus e scumandà; ti stos ta fermar e metter in pe a terra!
Returna a la partenza.
- 62** Ti na dastgas betg ir sin via cun tes pitschen velo.
Returna al quadret 46.

Per cuntanschar l'arriv stos ti avoir exactamain il dumber da puncts che ta mancan. Obtegnas ti dapli, stos ti ir enavos per tants puncts sco quai che ti has da memia.



